

可花

廂蓋旗滿洲忠烈傳

卷八



八旗通志初集卷之二百二十七

忠烈傳八

鑲藍旗滿洲官員

特音珠 子多貝

謨海 子孟古爾代

雅母布立 子格爾泰

孫噶達渾 四世孫

哈慕嘉 覺羅布爾海

卓納 子席特庫 孫碩倫 龍什庫

輝蘭

艾賽 子霍色

達蘭 噶布碩 弟西奇納 弟敦達禮

吳達納 弟之子胡什 覺羅噶思哈 子圖爾瑪 孫舒書



穆鷗

東阿子福拉塔

羅多禮子諾穆齊

圖爾哈圖莽郭

倭合納

阿南達

希富

台弼圖

阿哈尼堪

松愛

克禮郭里

赫貝

糾渾柱
奇蘭布
葉木布

卦塞

胡圖

多哈季本吉

海蘭

科賚海保

立固
車爾圖
蘇爾丹

地歲保
辛柱
納蘭辛柱

薩齊渾
淮色

朱神保
阿爾泰

噶林
索倫
雅蘭泰

薩蘭泰

赫達色
元寶
孫泰

常保
阿爾布
拔士

德壽
賽必圖

福成額
見勳臣布雅莽吉祿
見勳臣邁什克

孟健
見勳臣阿哈丹
見勳臣石圖

特音珠滿洲鑲藍旗人姓完顏氏於

國初率兄弟里人來歸

太祖高皇帝始編牛录令特音珠兼管六牛录事授備

禦世職

可接馮

太祖征討四方從戎宣力創痕滿體多著勲勞累任至

副將後以創發卒以長子多貝襲備禦世職

仍管牛录事天聰五年多貝隨大軍證明攻大
凌河城內敵兵突出多貝身先士卒力戰陣亡

弟鄂特渾襲職

謨海滿洲鑲藍旗人。姓覺羅氏。世居雅爾古地。方初以戰功授備禦。世職。天命六年從大兵征明。破明兵於耀州。天聰六年從征明錦州。奮勇力戰陣亡。加贈世職。為二等甲喇章京。以其子孟古爾代承襲。崇德三年孟古爾代隨英親王阿濟格攻皮島。乘夜進戰有功。四月克其島。賞銀八十兩。四年隨曹海薩木什哈等征索倫部。落攻哲陳城。獲丁壯九十一人。五年九月隨征明杏山。敗敵兵。六年十月兩敗明松山之兵。敵兵夜犯羅託貝子之營。往援却之。順治元年十月隨定國大將軍豫親王多鐸南征。至潼關。三敗流賊。二年三月至南京。隨公圖賴破偽侯黃得功。等於蕪湖。至常州府。連敗偽帥毛大玉。有功。至崑山縣。獲船十五隻。隨固山額真恩格圖進攻克其城。三年叙功。加世職。為一等甲喇章京。尋緣事降。為二等甲喇章京。四年卒。以其兄科爾快襲。七年九年三遇。

恩詔加世職至三等阿思哈尼哈番。緣事仍降為二等。阿達哈哈番康熙元年卒。以兄之孫羅瞻襲。二十二年緣事革。以其叔祖圖賚之子圖似海襲職。三十五年八月。圖似海隨撫遠大將軍伯費揚古征厄魯特噶爾丹。在昭莫多地方奮力破賊。三十六年叙功。加一拖沙喇哈番。

雅母布立滿洲鑲藍旗人。姓瓜爾佳氏。世居瓦爾喀內河地方。初隨伊父查爾糾率百人於國初來歸。

太祖高皇帝授備禦世職。天命六年。從大兵征明。攻瀋陽城。力戰陣亡。加贈世職。為遊擊。子葉勒伸承襲。天聰八年五月。緣事革。以次子格爾泰襲。崇德五年七月。格爾泰從睿王多爾袞征明。圍錦州。擊敗明杏山兵。六年。復圍錦州。乘夜進攻。克其外城。明松山兵來援。格爾泰同衆將敗之。七年。往畧明寧遠地。破敵兵於城下。八年。同齊墨格圖。往征撒哈連。圍社里城。克快村。獲壯丁十七人。又隨鄭親王濟爾哈朗。征明。取前屯衛。奪

門殺入克其城。順治二年叙前功。加世職為二等甲喇章京。三年緣事降世職為牛录章京。七年九年三遇。

恩詔。加至二等阿達哈哈番。尋隨墨爾根轄征四川。敗賊何進於漢中府。又敗賊兵於涪州。十六年隨安南將軍明安達禮往征貴州。旋移鎮荊州。值海寇鄭成功陷鎮江。逼江寧。格爾泰隨明安達禮往援。敗其餘寇。獲船一隻。賊登岸再戰。又大敗之。十七年叙功。優授一等阿達哈哈番。兼一

拖沙喇哈番。噶達渾者。雅母布立之孫也。初任西安駐防佐領。康熙十四年從征叛鎮王輔臣。在平涼府陣亡。卹贈拖沙喇哈番。世職。又有馬什泰者。雅母布立之四世孫也。雍正六年以三等阿達哈哈番兼佐領從征準噶爾。於十年七月。在烏孫珠兒地方力戰陣亡。

賜祭葬如典禮。

哈慕嘉滿洲鑲藍旗人。天聰二年大兵證明圍錦州。哈慕嘉隨轄二十員往截敵路。至松山遇

敵騎兵十五人。斬一人。進圍杏山松山。三敗敵衆。崇德六年。隨鄭親王濟爾哈朗圍錦州。克其外城。八月。松山馬兵犯我紅衣礮。往擊敗之。又隨大兵擊明軍門洪承疇三營步兵。奮勇勦殺。遂歿於陣。七年。追贈牛录章京世職。本旗有覺羅布爾海者。亦以天聰五年。征明大凌河。擊明監軍道張春兵。身先士卒。力戰陣亡。卹贈備禦世職。

卓納滿洲鑲藍旗人。姓納蘭氏。世居哈達地方。

於
國初來歸。

太祖高皇帝。以十五戶人編為牛录使統馬。

賜姓覺羅氏。天聰五年八月。從大兵征明大凌河。隨固山額真篇古阿格圍錦州。我師四面進戰。城內敵兵突出相拒。卓納身先衆軍。奮擊陣亡。六年。正月。卹贈備禦世職。長子羅洛承襲。十年三月。羅洛同英俄爾岱。奉

命往朝鮮議正大名。卒於路。以次子席特庫襲職。崇德

元年任吏部理事官。八年以辦事有能。加半個前程。順治元年十月。隨定國大將軍豫親王多鐸南征。二年五月。大破偽田國公於洋子江。獲船無算。復隨固山額真譚泰乘小船截賊歸路。斬首千級。又乘夜奪取泊內賊船二十隻。次日往攻泊內賊兵。大破之。又同哈寧阿追賊至富池口。敗偽王副將兵。尋往守高塘口。三年議叙。加世職為三等甲喇章京。尋以疾卒。子三人。長子車爾貝襲職。七年九年三遇。

恩詔。加至二等阿達哈哈番。又一拖沙喇哈番。次子碩倫。順治六年。從征大同。叛鎮姜瓖。攻左衛陣亡。事平。卹贈拖沙喇哈番世職。後車爾貝緣事革去所得拜他喇布勒哈番。餘二等阿達哈哈番。又一拖沙喇哈番。與其弟龍什庫襲。併伊兄碩倫。一拖沙喇哈番。襲為一等阿達哈哈番。康熙十四年。隨撫遠大將軍信郡王鄂札。征察哈爾布爾尼。在大魯地方。四敗賊兵。以功議叙。加一拖沙喇哈番。三十二年卒。仕至副都統。

輝蘭滿洲鑲藍旗人。姓書舒覺羅氏。世居阿燕地方。天聰五年。從睿王多爾袞。證明。攻大凌河。擊明監軍道張春。兵隨燾。殺入。大敗其衆。六年。從大兵征察哈爾。入明邊。圍大同。略五臺山一帶。攻土堡。先登克之。八年。復從口外入明邊。畧地。出邊時。同希爾根。殿後。兩敗阿爾沙蘭之兵。崇德五年九月。從睿王多爾袞。證明。敗杏山馬兵有功。六年八月。明松山兵犯我紅衣礮。同甲喇章京囊古。擊却之。又從大兵擊明軍門洪承疇。三營步兵奮身直前。殺入。既出。復進擊。遂歿於陣。七年。追贈牛录章京世職。艾賽滿洲鑲藍旗人。姓納蘭氏。初任壯大。天聰三年。從大兵。證明。至北京。斬敵將愛塔。有功。五年。從睿王多爾袞。證明。攻大凌河。連敗敵兵。復擊明監軍道張春。兵領燾。殺入。力戰陣亡。八年。贈牛录章京世職。以其子霍色承襲。順治七年。九年。三遇。

恩詔。加至三等阿達哈哈。番兼一拖沙喇哈番。康熙四

年八月。霍色從定西將軍圖海等征湖廣。在茅麓山破李來享賊兵四千。十三年八月。從征逆藩耿精忠至江西。隨定南將軍希爾根敗偽將軍李茂珠等於建昌府之鐘鼓山。十四年。隨侍郎舒恕敗賊於宜黃縣。十七年。隨鎮南將軍莽依圖進師廣東。至韶州府。逆藩吳三桂遣偽帥馬寶等分五路來攻。霍色隨莽依圖擊破之。又敗偽總兵姜熊於梓樹墟地方。十八年至廣西。二月。隨莽依圖破偽將軍吳世琮於南寧。十九

年六月。隨都統勒貝等敗吳逆偽將軍范齊韓。詹仰等於柳州之陶屯。二十年。隨征南大將軍賴塔進雲南。征逆孽吳世璠。連破其將於黃草壩。歸化寺等處。二十五年。叙功加世職為二等阿達哈哈番。

達蘭滿洲鑲藍旗人。姓瓜爾佳氏。世居蘇完地方。崇德元年。從大兵征明。以軍功授半個前程。世職。二年。征朝鮮。奮勇登城。受傷而歿。卹贈牛錄章京世職。

噶布碩。滿洲鑲藍旗人。姓倉佳氏。世居松阿里河地方。崇德三年八月。隨揚威大將軍貝勒岳託。征明。攻靈壽縣。先衆登城。為敵所傷。遂歿於陣。四年。議卹。贈牛录章京。世職。以其弟西奇納承襲。順治元年十月。西奇納從豫親王多鐸南征。至潼關。三敗流寇。二年。隨固山額真馬喇希。至崑山縣。擊敵兵。破之。三年十一月。隨梅勒章京覺善。剿山東土賊。乘夜往擊。中流矢。卒。六年。議卹。加贈一拖沙喇哈番。敦達禮者。噶布碩弟。

噶布喀之子也。康熙十八年二月。以七品官從征逆孽吳世璠。至湖廣長沙府。偽將軍吳國貴等率賊拒敵。敦達禮身先士卒。力戰陣亡。二十五年。卹。贈拖沙喇哈番。世職。

吳達納。滿洲鑲藍旗人。姓鈕汪。堅氏。世居輝發地方。初任擺牙喇。甲喇章京。崇德三年。從睿王多爾袞。征明。攻寶坻縣。以第二人登城。克之。六年。圍錦州。隨鄭親王濟爾哈朗。夜戰。克其外城。八年五月。隨貝勒阿巴泰。征明。擊敗其白總兵。

旋領兵攻薊州。身先士卒。力戰歿於陣。卹贈牛
录章京世職。以其弟之子胡什屯承襲。胡什屯
初以戰功授半個前程世職。崇德八年。併襲伊
伯父之職。合為牛录章京兼半個前程。順治初
任湖廣荊州協領。有流寇攻陷應城縣。隨駐防
將軍噶爾漢率兵往援。三敗賊衆。陣斬偽副將
二員。守備三員。把總一員。兵二百餘。遂復其城。
叙功加世職為三等阿達哈哈番。
覺羅噶思哈滿洲鑲藍旗人。崇德四年十一月。

從曹海薩木什哈等征索倫部落。獲壯丁四十
人。又追逃叛噶凌阿。三與賊戰。遂歿於陣。五年
加

思卹贈遊擊世職。以其次子圖爾瑪承襲。順治七年九
年三遇

恩詔。加至一等阿達哈哈番。兼一拖沙喇哈番。十五年
九月。任梅勒章京。從征偽桂王。至貴州。十六年
七月。凱旋至江南。值海賊鄭成功陷鎮江。進逼
江寧。圖爾瑪同梅勒章京噶褚哈。會同本地官

兵擊敗之。獲船二十隻。十八年叙功。授三等阿
思哈尼哈番。旋卒。以叔父之子郎圖承襲。康熙
三十二年卒。子舒書始承襲。三十五年隨撫遠
大將軍伯費揚古。征厄魯特。噶爾丹。由西路進
兵。破賊於昭莫多。在事有功。次年議叙。加世職
為一等阿思哈尼哈番。

穆為。滿洲鑲藍旗人。初任牛录章京。崇德四年。
同曹海。薩木什哈。征索倫部落。適敵兵圍海倫
村。我師突圍。殺入穆為。以殿後力戰而歿。五年

卹贈牛录章京世職。

東阿。滿洲鑲藍旗人。姓烏札喇氏。世居卦爾察
地方。崇德八年五月。隨奉命大將軍貝勒阿巴
泰。征明。至山東。攻館陶縣。首先登城。為敵所殺。
卹贈牛录章京世職。以其子福拉塔襲職。康熙
十四年四月。福拉塔從征逆藩耿精忠。至江西。
隨署護軍統領伯朗素。勦賊於鄱陽湖。乘船勦
殺中礮而歿。尋議卹。加贈一拖沙喇哈番。
羅多禮。滿洲鑲藍旗人。姓瓜爾佳氏。世居葉赫。

尚陽堡地方。崇德八年。任理藩院員外郎。三年考職。以辦事有能。授半個前程。世職。順治七年七月。奉

命往甘肅招撫白帽賊。為賊所殺。生子三。以長子吳實襲職。累任至漢軍都統。次子諾穆齊。初任護軍校。委署叅領。康熙十四年。隨大兵征逆藩吳三桂。奮勇擊賊陣亡。尋議卹。贈拖沙喇哈番。世職。第三子巴錫。累任雲貴總督。內轉戶部侍郎。圖爾哈圖。滿洲鑲藍旗人。崇德八年五月。隨奉

命大將軍貝勒阿巴泰。征明。攻定州城。奮勇先登。繼進無人。遂中傷而歿。尋叙卹。優贈牛录章京。世職。同旗有莽郭者。姓尼拉氏。世居葉赫地方。順治元年四月。隨睿王多爾袞入山海關。擊流賊。力戰陣亡。二年。叙卹。優贈牛录章京。世職。倭合納。滿洲鑲藍旗人。初以戰功。授半個前程。世職。順治二年。隨征南大將軍貝勒勒克德渾。征流寇。至湖廣常德府。敗賊有功。有偽安國公劉長晉。在武岡州拒敵。倭合納隨梅勒章京卓

羅往擊。攻其木城。力戰而歿。六年議卹。加贈一拖沙喇哈番。

阿南達。滿洲鑲藍旗人。世居教漢地方。伊兄吳巴什。係教漢地方貝子。崇德七年。自錦州來歸。初授三等梅勒章京。世職。順治七年。遇

恩詔。加至二等阿思哈尼哈番。八年。阿南達之父圖霸

襲職。九年。兩遇

恩詔。加至一等阿思哈尼哈番。兼一拖沙喇哈番。十二

年卒。阿南達始襲父職。後併襲伊伯父瓦色之

拜他喇布勒哈番。又一拖沙喇哈番。合為一等

精奇尼哈番。康熙十三年。阿南達從征逆藩耿

精忠。至江西。以護軍叅領署護軍統領事。後在

新口費園地方。擊賊陣亡。二十五年。叙卹。贈一

拖沙喇哈番。

希富。滿洲鑲藍旗人。姓何舍禮氏。世居塔三普

地方。初任護軍校。順治十八年十一月。從征偽

桂王於雲南。隨定西將軍愛星阿。至緬甸。阿媯

城。獲偽桂王朱由榔。在事有功。康熙十三年。三

月從征逆藩耿精忠。至浙江石塘。石佛嶺等處。隨都統喇哈達。敗偽參將鄭文昂。偽總兵陳得功。十七年。四月。復隨喇哈達。擊海寇。偽將軍劉國軒於灣腰樹。力戰陣亡。二十五年。叙卹。贈拖沙喇哈番世職。

台弼圖。包衣。鑲藍旗人。世居

盛京福申地方。初任護軍校。康熙十三年。

特旨授遊擊。遣往寧夏。隨征逆藩吳三桂。經畧莫洛。題

授平樂營參將。值偽總兵朱龍等圍清水營。台

弼圖率衆往援。衝圍破賊。陣斬二百餘級。在鹽

場堡地方。殺賊四百人。尋圍花馬池城。降其官

兵。恢復城池。加級一次。後圍定邊城。大破賊衆。

陣擒賊渠朱龍父子於沙家澗地方。克其城。招

降偽遊擊李勳德。總兵陳獎等有功。加副將職

銜。復在下馬關。敗賊一次。恢復平原所。陣斬偽

參將陳起元。往援固原。敗賊於申家灣等處。率

衆斷賊糧道。斬殺甚衆。尋陞副將。十四年。從征

王輔臣。在白虎臺地方。奮身接戰。力竭陣亡。尋

議卹

特恩賞銀一千一百兩。遣禮部官往奠茶酒。贈拖沙喇哈番世職。

阿哈尼堪。滿洲鑲藍旗人。姓趙佳氏。初任驍騎校。康熙十三年。從征逆藩吳三桂。至江西吉安府地方。兩敗賊兵。旋隨鎮南將軍莽依圖。進廣東。至韶州府。擊偽將軍馬寶等五路賊兵。力戰陣亡。二十五年。叙卹。贈拖沙喇哈番世職。

松愛。滿洲鑲藍旗人。姓滿札氏。世居葉赫地方。

初任護軍校。康熙十三年。從征逆藩耿精忠。至江西。在建昌府。四敗賊兵。十四年五月。隨定南將軍希爾根。敗賊帥邵連。登於長興。十五年二月。隨安親王岳樂。征逆藩吳三桂。擊偽將軍夏國相等。於萍鄉縣。中傷歿於陣。二十五年。叙卹。贈拖沙喇哈番世職。

克禮。滿洲鑲藍旗人。初任驍騎校。康熙十三年。從征逆藩耿精忠。至江西。三敗偽將軍朱勝等。十四年五月。逆藩吳三桂。遣偽總兵朱俊。聘據

驚石嶺。克禮隨三等公倭赫破之。又敗賊於白水山。十五年十二月。隨副都統多諾。敗吳逆偽都督郭應福於泰和縣之蘆源洞。十七年正月。隨護軍統領哈克山。擊偽將軍韓大任於老虎洞。力戰陣亡。二十五年。叙卹。贈拖沙喇哈番世職。同旗有郭里者。姓蒙古索氏。世居札馬必拉地方。初任護軍校。亦以康熙十三年。從征逆藩耿精忠。至江西。與賊力戰。歿於陣。二十五年。卹贈拖沙喇哈番世職。

赫貝。滿洲鑲藍旗人。康熙十三年。以八品官隨定南將軍希爾根。征逆藩耿精忠。至江西。三敗偽羅都督之衆。師至饒州。復三敗偽陳叅將水陸賊兵。又連敗賊兵於弋陽縣。艾山等處。十五年十二月。逆藩吳三桂遣偽都督郭應福。於泰和縣之蘆源洞拒戰。赫貝隨副都統多諾。敗之。十七年六月。偽帥馬寶等犯湖廣。永興赫貝力戰。受傷而歿。二十五年。叙卹。追贈拖沙喇哈番世職。

糾渾柱。滿洲鑲藍旗人。初任驍騎校。康熙十三年五月。隨前鋒統領穆占征逆藩吳三桂。由陝西進四川。破偽總兵石存禮於朝天關。十四年正月。隨鎮西將軍席卜臣等敗賊於娘娘廟。張飛廟。又敗偽將軍王屏藩等於槐樹驛梅嶺。並在事有功。進至龍潭驛。擊秦州援兵。先衆力戰。遂歿於陣。十六年。卹贈拜他喇布勒哈番世職。同旗有防禦奇蘭布。護軍校葉木布者。並於是役力戰陣亡。卹贈拜喇布勒哈番世職。

卦塞。滿洲鑲藍旗人。初任前鋒校。康熙十三年。從征逆藩耿精忠。至浙江。敗偽吳總兵於蒲塘。十七年。從副都統紀爾他布等。破海寇偽提督吳淑等於福建石衛寨。十九年三月。從副都統鄂申巴圖魯擊海寇偽將軍劉國軒於海澄。力戰陣亡。二十五年。卹贈拖沙喇哈番世職。胡圖。滿洲鑲藍旗人。姓瓜爾佳氏。初任驍騎校。康熙十三年三月。從征逆藩吳三桂。由陝西進四川。在野狐嶺。隨西安將軍瓦爾喀等三敗賊。

兵。進復陽平關。十四年正月。往槐樹驛接我運糧兵。遇賊截道。力戰陣亡。二十五年。卹贈拖沙喇哈番世職。

多哈。滿洲鑲藍旗人。姓趙佳氏。初任驍騎校。康熙十四年四月。從征逆藩耿精忠。至江西鄱陽湖岔口。隨都統朗素敗朱陳二賊。又隨定南將軍希爾根。擊賊帥邵連登於建昌之長興地方。力戰陣亡。二十五年。卹贈拖沙喇哈番世職。同旗有季本吉者。姓金氏。世居朝鮮地方。初任司庫。亦以康熙十四年三月。從撫遠大將軍多羅信郡王鄂札。征叛逆察哈爾布爾尼。在大魯地方。奮勇擊賊陣亡。卹贈拖沙喇哈番世職。

海蘭。滿洲鑲藍旗人。康熙十五年。以六品官。從征逆藩吳三桂。十七年。至湖南永興縣。偽將軍馬寶。胡國柱等。率賊圍城。海蘭從都統伯宜理布等奮勇出戰。與宜理布同戰。歿於陣。二十五年。卹贈拖沙喇哈番世職。

科賚。滿洲鑲藍旗人。姓覺羅氏。世居葉赫地方。

伊父韋泰色。任分得撥什庫。崇德間從征。明攻薊州城。陣亡。康熙十五年。科賚由五品官署叅領。隨定遠平寇大將軍安親王岳樂。征逆藩吳三桂。至湖廣。攻長沙府。在平江臺奮勇擊賊。遂歿於陣。卹贈拖沙喇哈番世職。同旗有海保者。姓商佳氏。世居鄂河地方。康熙十五年六月。以護軍校。從撫遠大將軍圖海。征叛鎮王輔臣。至陝西平涼。擊輔臣子王繼正。力戰陣亡。二十五年。卹贈拖沙喇哈番世職。

立固。滿洲鑲藍旗人。姓納蘭氏。世居輝發地方。初襲拖沙喇哈番世職。任護軍叅領。康熙十五年。從征逆藩吳三桂。至湖廣。攻長沙府。力戰陣亡。二十五年。議卹。加贈世職。為拜他喇布勒哈番。本旗有車爾圖者。亦以是役力戰陣亡。得授拖沙喇哈番世職。又有蘇爾丹者。姓納蘭氏。世居葉赫地方。初任八品筆帖式。康熙十七年。從征逆藩吳三桂。至湖廣。在湘陰縣擊賊。陣亡。二十五年。卹贈拖沙喇哈番世職。

地藏保滿洲鑲藍旗人。初任甲喇章京。康熙二十年。在四川永寧衛防守。吳逆偽將軍馬寶來攻。勢孤城陷。被執不屈。被害。二十五年。卹贈拖沙喇哈番世職。同旗有辛柱者。以從征逆藩吳三桂。至四川守永寧城。康熙二十年。賊帥馬寶陷永寧。辛柱被執。與地藏保俱不屈被害。事

聞。卹贈拜他喇布勒哈番世職。同旗又有名辛柱者。姓納蘭氏。世居葉赫地方。康熙十三年。以五品官奉

命遷移逆藩吳三桂家口。至貴州安順府。三桂反。提督李本深從逆。辛柱為本深所執。不屈死。二十年四月。喪至京師。

賜祭葬如典禮。卹贈拜他喇布勒哈番世職。

薩齊渾滿洲鑲藍旗人。姓何舍里氏。世居哈達地方。初任駝騎校。康熙十四年。從征逆藩吳三桂。至陝西蟠龍山。擊賊陣亡。卹贈拖沙喇哈番世職。又有同旗名淮色者。亦以是役力戰陣亡。卹贈拖沙喇哈番世職。

朱神保。滿洲鑲藍旗人。姓博爾君氏。世居厄魯特地方。初任佐領。康熙二十九年八月。隨撫遠大將軍裕親王福全。征厄魯特噶爾丹。至烏闌布通。奮勇擊賊。遂歿於陣。三十年。卹贈拖沙喇哈番世職。是役也。同旗有護軍校阿爾泰者。亦以是役力戰陣亡。卹贈拖沙喇哈番世職。

鳴林。滿洲鑲藍旗人。世居佟佳地方。以地為氏。初任護軍叅領。康熙三十五年八月。隨撫遠大將軍伯費揚古。征厄魯特噶爾丹。在昭莫多地。奮勇擊賊。陣亡。三十六年。卹贈拖沙喇哈番世職。同旗有護軍校索倫。署護軍校雅蘭泰。並以是役力戰陣亡。卹贈拖沙喇哈番世職。

薩蘭泰。滿洲鑲藍旗人。姓何舍里氏。世居葉赫地方。康熙三十五年。隨撫遠大將軍伯費揚古。往征厄魯特噶爾丹。在昭莫多地。擊賊陣亡。卹贈七品官。

赫達色。滿洲鑲藍旗人。姓覺羅氏。世居胡爾哈地方。雍正七年。以副護軍叅領。從靖邊大將軍

公傅爾丹由北路進勦準噶爾九年六月在和通胡爾哈諾爾地方與賊遇赫達色奮不顧身力戰歿於陣。卹贈拖沙喇哈番世職。同旗有前鋒校元寶。驍騎校孫泰者。並於是以役力戰陣亡。卹贈拖沙喇哈番世職。

常保。滿洲鑲藍旗人。姓何舍里氏。世居葉赫地方。雍正七年以前。鋒侍衛。從靖邊大將軍公傅爾丹進征準噶爾。九年六月至和通胡爾哈諾爾地方與賊力戰。歿於陣。卹贈拖沙喇哈番世

職。是役也。有護軍校阿爾布。驍騎校拔士者。亦由北路進征。力戰陣亡。卹贈拖沙喇哈番世職。德壽。滿洲鑲藍旗人。姓覺羅氏。世居尼雅爾哈哈達地方。雍正七年以前。鋒校。從靖邊大將軍公傅爾丹征準噶爾。九年於鄂爾昆地方與賊力戰。歿於陣。卹贈拖沙喇哈番世職。同旗有護軍校賽必圖者。由阿爾泰戍兵進勦於烏孫珠兒地方。力戰陣亡。



皇朝方輿輿制

卷之四 圖考 由阿爾泰入其地 邊外島嶼

以海峽為新設 觀海 望海 望海 望海

公署 爾其 西平 爾其 平 於 時 有 去 往 者 其 類

如 皇 姑 子 弟 五 十 年 以 前 難 於 之 散 數 之 無 事

謝 萬 洲 州 縣 官 署 之 類 皆 有 之 且 亦 無 兩 部

由 此 觀 之 所 以 在 此 則 謂 之 為 海 峽 也 蓋 其 類

亦 不 可 不 察 也 爾 其 西 平 爾 其 平 於 時 有 去 往 者 其 類



皇朝方輿輿制

